



禪林類聚卷第十九

朝田家藏書

岸本家藏書

雍熙禪寺住持嗣祖丘道泰禪寺首座比丘智境集

田地

草木

花果

香燈

搬掃

柴薪

田地

松樹

黃檗運禪師在百丈開田歸丈問運闍黎開田不易師云
隨眾作務丈云有煩道用師云爭敢辭勞丈云開得多少
田也師將鋤築地三下丈便喝師掩耳而去

琅瑯覺云百丈一喝可謂垂絲於萬丈潭中黃檗掩耳

獨聳於千峰之上 大瀉喆云黃檗開田功不浪放百

丈住持令不虛行 禾山方云百丈正令風行草偃黃

檗開口以到渠成雖然與麻且道以鋤築地處又作麼

生還會麼不是苦辛人不知。松源岳云百丈一喝風雲發嶽黃檗掩耳諸人自摸索看

佛眼遠頌云相見言談理不虧等閑轉面便相揮畢竟水須朝海去到頭雲定覓山歸

百丈政禪師一日謂衆云汝等與我開田了我爲汝說大義僧開田了云請和尚說大義師乃展開兩手或疑作

白雲端云百丈說大義只止於此當時再參馬祖底句向甚處去也若言更有在未免與蛇畫足且道作麼生得知百丈老人立地處乃云客來無茶點高湯備禮儀大瀉詰云百丈說大義可謂今古罕聞光前絕後大瀉即不然但向道開田勞力請歸堂歇教他天下衲僧銜銜結舌何故鶴有九臯難者羽翼鳥無千里謾追風應

卷華云白雲要見百丈再參馬祖底道理真是好笑笑須三十年又道作麼生得知百丈立地處也與笑三十年客來無茶點高湯備禮儀也與笑三十年三笑而九十年爲復笑白雲批判未當爲復別有道理汝諸人若檢點得出歸宗拄杖子兩手分付苟或未然幾度醉歸明月夜笙歌引入畫堂前

白雲端頌云常憐百丈解開田今古行人手裏傳誰道舌頭曾不動五音六律太周旋 佛眼遠云開田說大

義後人莫容易百丈總持門淡而還有味

瀉山祐禪師與仰山行次師指一丘田謂仰山云這頭得恁麼高那頭得恁麼低仰云却是那頭高這頭低師云你若不信但向田中立看兩頭仰云不必中間立亦莫住兩

頭師云若如是著水看大能平物仰云水亦無定但高處
高平低處益平師便休

徑山杲云顯諸仁藏諸用鼓萬物而不與聖人同憂盛
德大業至矣哉喝一喝

長沙翠禪師僧問學人不據地時如何師云汝向甚處
安身立命僧云却據地時如何師云拖出死屍著

長沙僧問如何轉得山河大地為自己去師云如何轉得
自己為山河大地去僧云不會師云湖南城裏好養民米
賤柴多足四隣

天童覺云雖然主賓互換要且泥水不分或然裂轉鼻
孔恁麼不恁麼總不得又合作麼生如今王令稍嚴不
許人攙行奪市 徑山杲云轉山河大地歸自己則易

轉自己歸山河大地則難有人道得不難不易有却來

徑山手裏請捧喫 應庵華云蔣山隨分判斷大小長
沙勘這僧不破

保寧勇頌云塵刹平常露此身疑生情動見踈親湖南
城裏從來事米賤柴多足四隣

子湖蹤禪師因鑽地次亞鑽頭回視勝光云事即不無擬
心即差勝光便問如何是事被師攔曾踏倒從此省悟

仰山寂禪師因為山問甚處來師云田中來為云田中有
多少人師插鋤叉手而立為云今日南山大有人剎茅師

拽鋤而去

玄沙云我若見即踏倒鋤子 鏡清因僧問插鋤意旨

如何清云狗咬赦書者侯避道又問玄沙踏倒鋤意旨

如何清云不柰船何打破身斗又問南山刈茅如何清
云李靖云覓父經行陣 雪竇顯云諸方尊宿咸謂拍
鐵話奇特也大似隨邪逐惡據雪竇見處仰山被瀉山
一問直得草繩自縛去死十分 翠巖芝云仰山只得
一檝諸人別有會處 瀉山果云潛行密用還他本分
作家或放或收須是通人自照且道明甚麼透事吸盡
西江水方明一點心
投子青頌云瀉山問處少知音 拜地酬他佛祖沉踏倒
玄沙傍不肯兜教蒼翠帶春深 保寧勇云淺種深耕
正及時入泥入水更同誰 南山出茅草多人刈獨是爺兒
兩箇知 佛心才云金鞭擊動蒼龍窟吐霧擎空出海
門溟渤吸乾天上土空餘雷電滿山川 佛眼遠云數

目分明舉即難初信無不膽毛寒須知更有壺中路但
向須彌頂外看 天童覺云老覺情多念子孫而今慚
愧起家門是須記取南山語鏤骨銘肌共報恩
仰山夏末問評瀉山山云子一夏不見上來在下面作何
所務師云某甲在下面鋤得一片畚下得一羅粟瀉云子
今夏不虛過師却問和尚今夏作得箇甚麼瀉云日中一
食夜後一寢師云和尚今夏亦不虛過道了乃吐舌瀉云
寂子何得自傷已命

大瀉詰云仰山眼照四天下到大圓面前却向淨地上
喫交大圓可謂養子之緣不免掛後人脣齒 佛眼遠
云大衆瀉山父子尋常相見遊戲神通不同小小還有
知得底麼若無山僧與諸人說看開一片田密密綿綿

兩頓粥飯其道自辦。僧不復與諸人相見。自是諸人不薦若或薦成一片。看取當門箭。天童覺云。少當努。力老合歇心。這一夏總不虛過。為甚麼。仰山道了吐舌。若點檢得出。禍不入慎家之門。

洞山聰頌云。仰山何得太傷義。吐舌忙然又泄機。最得瀉山言點責。得伊從此媿知非。佛燈珣云。一畝田。芳三碩穀。齋時飯。芳早晨粥。一期父子話。家風功。各得古傳燈錄。禪家流。細觀矚。勿謂斯言語。麈俗好似荆山白石頭。會有卞和知。是玉。

臨濟玄禪師因赴普請。鋤茶園。次黃檗後。至師問訊。了按鑿而立。檗云。莫是因耶。師云。纔鑿地。何言困。檗拈拄杖。便打師。接住。推倒。檗巧喚維那。拽起我來。維那拽起云。和尚葬我這裏活埋。

爭容得這風顛漢。與維那一掌師。遂鑿地云。諸方火瀉山。問仰山黃檗。與臨濟此時意。作麻生仰云。作賊人走却。邏賊人喫棒。瀉云。如是如是。大瀉詰云。黃檗倒地。維那扶起火葬。活埋清風未已。

真淨文頌云。奪旗制鼓。著精神。父子雖親。法不親為。報四方禪客。道等閑。莫作守株人。佛鑑勸云。百頭馬。裹一頭驃。踢踏縱橫。不柰何。今日風顛臨濟。是却令黃檗打維那。

烏石觀禪師一日問西院安和尚。此一片地。堪著甚麼物。安云。好著箇無相佛。師云。好片地被兄放不淨。雪峰存禪師一日普請。舉瀉山云。見色便見心。還有過。

也無有僧出云古人為甚麼人師云雖然如此我要共你
商量僧云若甚麼商量不如某甲鑿地

雪峰云盡大地是你將謂別更有

雲明云不見楞嚴經云眾生顛倒迷已逐物若能轉物
即同如來

雪峰一日云此事如一片田地相似一任衆人耕種無有
不承此恩力者玄沙云且作麼生是一片田地師云看沙
云是即是某甲不與麼師云你作麼生沙云祇是人人底
湖南報慈禪師垂示云我有一句子徧大地僧便問如何
是徧大地底句師云無空闕

雲明云不合與麼道別云何不庵外問

洛浦安禪師僧問古遠荒田獨立事如何師云鷲倚雪巢

猶可執鳥投漆立事註分

玄沙徧禪師云若論此事喻似一片田地四至界分結契
賣與諸人了也只有中心樹子猶屬老僧在

鼓山珪頌云萬事由王老師樹子未屬你在廣額犀兒

成佛二祖大師償債 徑山杲云祖父田園都賣了四

邊界至不曾留柰何猶有中心樹惱亂春風李未沐

玄沙因僧侍次以拄杖指面前地上一點白問侍僧云還
見麼云見師如是三問其僧三云見師云你也見我也見
為甚麼道不會

古德云你見我見十分成現打破荆棘林方知無背面
一點從教徹古今黑白未分何處辨

雲門偃禪師僧問如何是深中淺師云山河大地云如何

是淺中深師云大地山河云如何是深師云朝到西天暮
歸唐土

地藏琛禪師一日插田次見新到僧乃問甚麼處來云南
方來師云南方佛法如何僧云商量浩浩地師云爭似我
這裏種田博飯喫僧云爭奈三界何師云喚甚麼作三界
僧無語

大瀉詰云清貧長樂濁富多憂

雲峰悅頌云種田博飯喫言中誰辨的午後打齋鐘真
金曾失色靈源清云種田博飯喫佛法要商量言下
超三界靈機發妙光靈巖因云種田博飯有來由免
見區區向外求莫謂勞心便勞力大都工拙要全收
晏古佛云種田博飯待方來玄妙商量一任猜無影樹

頭懸日月幾人於此便心灰

肥田伏禪師僧問此地名甚麼師云肥田僧云宜甚麼師
以拄杖打而趨之

招慶匡禪師因地動僧問還有不動者無師云有云如何
是不動者師云動從東來却歸西去

鹿苑禪師僧問如何是實際理地師云南瞻部洲北鬱單
越云恁麼則事同一家師云猶隔須彌山在

松源岳云夫善知識者是大因緣有來由沒窠臼纒拈
恁麼便不恁麼雖然到頭霜夜月在蓮落前溪

石門徹禪師僧問實際理地如何進步師云鳥道無前僧
進語云幽谷白雲藏白雀擬心棲處隔山迷

石門聰別云棲心不住棲心地物外縱橫任法閑

西禪需頌云幽谷白雲藏白雀擬心棲處隔山迷直饒
不住棲心處猶落怡山第二機

揚岐會禪師上堂云揚岐無旨的種田博飯喫說夢老瞿
曇何處覓蹤跡喝一喝拍禪牀一下云參

白雲端云大衆誰知道承天今日之下向城中住箇小

院子却勞他別人去種田自己只解喫飯可謂養子不
及父家門一世貧然雖如是大樹大皮裹小樹小皮纏

開福賢禪師僧問如何是衲僧活計師云耳裏種田
寶峰英禪師僧問臨濟栽松即不問百丈開田事若何師
云深著鋤頭云古人猶在師云更添鋤頭僧禮拜師扣禪
牀一下

明招謙禪師問僧其處來僧云鋤地來師云了也未僧

云尚餘些子在師云何不了却僧無語有僧代云上座莫
道是了底人師喝云自痒不能扒國泰云也要留與後人
師云欠少甚麼

雪竇顯禪師一日同三五僧看種田師云靈苗無根作麼
生種僧云明年更有新條在師云你問我我與你道僧便

問師云分付田庫奴

開先良田萬頃觀獸

靈樹千年田觀獸

東東樹見僧鋤地首顛

玄沙云如人賣一片園觀獸

百丈普請鋤地觀獸

仰山田中來見糧

草木竹附

南陽忠國師問紫璘供奉甚處來奉云城南來師云城南
草作何色奉云作黃色師乃問童子城南草作何色子云
作黃色師云祇這童子亦可簾前賜紫對御談玄

大鴻詰云國師與麼問供奉與童子與麼答且道還有
利害麼若也辨得許你親見國師若也未會城南草依
前黃色

月堂昌頌云慣使渡頭船如今不記年受他風浪惡方
是趁龜錢

鄧隱峰禪師因石頭和尚刻草次師在左側叉手而立石
頭飛刻子向師面前刻一株草師云和尚只刻得這箇不
刻得那箇頭提起刻子師被得刻子乃作刻勢石頭云汝

只刻得那箇不解刻得這箇師無對

洞山代云還有堆阜麼

藥山儼禪師一日與道吾雲巖高沙彌遊山見兩株樹一榮一枯師乃問榮者是枯者是吾云枯者是師云酌然一切處令教枯淡去師又問雲巖巖云榮者是師云酌然一切處令光明燦爛去復問沙彌彌云枯者從他枯榮者從他榮師回顧道吾雲巖云不是不是

五祖戒云夢中說夢兩重重

保寧勇頌云抹粉塗坯復裏頭盡由行主線牽抽鼓鞞打破曲吹徹收拾大家歸去休 佛惠泉云一枝榮一枝枯中心綠葉更扶蘇黃鶯任解千般語免得傍人彈子無 海印信云落雲黃葉作金錢癡騃啼兒見喜歡

捉得獻娘俱道好不知誰是晒傍觀

雲巖因云年老

心孤笑藥山團藥諸子坐忘還從頭纔問榮枯事鼻孔元來總一般 楚安方云藥山用處少人扶堪笑雲巖

與道吾猶向榮枯生解會豈知潘閣倒騎驢

魯祖雲禪師僧問如何是雙林樹師云有相身中無相身云如何是無相身師云金香爐下鐵崑崙

圓悟勤云還委悉麼蚊子上鐵牛無你下嘴處 佛燈

珣云以風吹風著水洗水鐵打崑崙無相可比你諸人還摸索得著麼三月桃花紅似錦癡人猶自憶靈雲

趙州詭禪師僧問靈草未生芽時如何師云巖著即腦裂云不巖時如何師云如同死漢云還許學人和合不師云人來莫向伊道

瀉山祐禪師與仰山行次擗前頭枯樹問仰山云前頭是甚麼仰云祇是枯樹子師復指問背後耘田公子公亦云枯樹子師云這箇公子他後亦匡五百衆神鼎譚云爲復意在耘田公處爲在仰山處爲復總不恁麼諸上座一切諸法縱然更不用生事他是父子說話同道者方知大瀉詰云山僧則不然耘田公子偈不如汝且道大圓是山僧是若人辨得許汝具擇法眼若也不辨佛法熾然生滅

大瀉安禪師示衆云有句無句如藤倚樹踈山聞之徑往彼請問值師泥壁次便問有句無句如藤倚樹豈不是和尚道師云是山云忽遇樹倒藤枯時如何師放下泥盤呵呵大笑歸方丈踈山隨後云某甲三千里賣却布單持爲

此因緣而來和尚何得相弄師云待者討錢還伊去遂囑云向後有獨眼龍爲汝點破在山後到明招舉前話招云大瀉可謂頭正尾正祇是不遇知音山却問樹倒藤枯時如何招云更使瀉山笑轉新山因而有省乃云瀉山元來笑中有刀遂逢禮悔過一本小異

海印信頌云樹倒藤枯伸一問呵呵大笑有來由羚羊掛角無尋處直至如今笑未休文殊道云樹倒藤枯問大瀉呵呵大笑顯全機布單賣却般纏了秋夜寒來說向誰大洪頌云冷刃吹毛笑裏來爍迦羅眼不容裁一目金龍魯舉爪觸體覺痛頂門開枯木成云江邊閑把直鈎垂也有金鱗上釣時三跳若能乘羽化免教漁父皺雙眉楚安云添得瀉山笑轉新當時覷

面已呈君明招漏泄瀉山句無限風光付與人 徑山
果云若將此語定綱宗辜負明招獨眼龍笑裏忽分泥
水路方知千里共同風

長沙岑禪師誡人斫松竹云千年竹萬年松枝枝葉葉盡
皆同為報四方玄學者動手無非觸祖翁

香巖閑禪師垂語云如人上樹口啣樹枝手不攀枝脚不
踏樹樹下忽有人問祖師西來意不對則違他所問若對
他又喪身失命當恁麼時作麼生即是時有虎頭上座出
云上樹即不問未上樹請和尚道師呵呵大笑

雪竇顯云樹上道即易樹下道即難老僧上樹也致將
一問來 翠巖之云問者對者不免喪身失命如今袖

僧作麼生 天童覺云虎頭上座是箇惡賊用無義手

打不防家直饒本色作家往往做手脚不辨雪竇是別
機宜識休咎底漢到這裏亦祇得藏身露影還會香巖
做處麼三千劍客今何在獨許莊周見太平

保寧勇頌云曲設多方老古錐那堪枝上更生枝好如
良馬窺鞭影逐塊且非獅子兒 佛惠泉云呵呵大笑

沒針錐上樹何如未上時任使香巖多伎倆傍觀不免
為攢眉 地藏恩云香巖垂語真堪賞口啣樹枝懸樹

上此時不問祖師機且道渠儂底模樣 上方益云狹
路轉身難東西盡是山行人不到處風定落花閑 石

門易云古聖悲心利後人口啣枝上露全身直饒玄路
無消息未免家中喪二親

臨濟玄禪師在黃檗栽杉松次黃檗云深山裏栽許多樹

作麼師云一與山門作境致二與後人作標榜道了將鋤頭打地一下檠云雖然如是已喫吾二十棒了也師又打地一下云噓噓檠云吾宗到汝大興於世

馮山問仰山黃檗當時只囑臨濟一人別更有在仰云有只是年代深遠不欲舉似和尚馮山云雖然如是吾也要知但舉看仰云一人指南吳越令行遇大風即止大馮詰云臨濟與麼大似平地喫交雖然如是臨危不變方稱丈夫黃檗云吾宗到汝大興於世也是憐兒不覺醜 應庵華云黃檗道雖然如是子已喫吾二十棒了也養子之緣故當如是臨濟正令雖行可惜向饗頭邊甘自活埋仰山見解未出常流豈止遇大風即止當時何不道直得盡虚空界盡此話方始大行豈不是頭

正尾正蔣山今日捋下面皮要與諸人相見去也驀拈拄杖卓一下云驚羣須是英靈漢敵勝還他獅子兒翠巖真頌云帶礪山河畫土疆漢高殿下有張良千言萬語無人會又逐流鶯過短堦

投子同禪師僧問靈松無異色時如何師云不是靈松標不出

曹山本寂禪師僧問如何是一不老師云枯木云如何是一老師云不扶持有僧舉似九峰峰云三從六義

法華舉云諸上座會麼愛他年少婦須是白頭兒魏府大覺禪師僧問香草未生時如何師云巖著腦裂云生後如何師云腦裂

青林虔禪師在洞山栽松有俗士劉翁者求頌於師師乃

作頌云長長三尺餘鬱鬱覆荒草不知何代人得見此松
 老劉翁得頌呈於价禪師价云賀翁翁喜此人是第三
 世也師後果住洞山為第三世
 菜萁禪師一日把一椶竹上堂示眾云你等諸人還向虛
 空裏釘得椶麼時有靈虛上座出云虛空是椶師便打虛
 云莫錯打某甲師便歸方丈或作金輪
 雲門云矢上加尖有僧云和尚適來與麼道那門云植
 鐘謝響得箇蝦蟆出來 雪竇顯云若要此話大行直
 須打了趁出 棲賢謔云且道這僧出來恁麼道具眼
 不具眼菜萁當時便棒且道打他甚麼與大家驗看
 法雲秀云菜萁只知瞻前這僧不能顧後子細檢點將
 來兩箇總須與棒且道過在甚處具眼者看

多福扇趙州語

傳女第十一會元

第四 六十一 五葉

多福禪師僧問如何是多福一叢竹師云一莖兩莖斜云
 學人不會師云三莖四莖曲

黃龍新云斜即任斜曲即任曲喚甚麼作一叢竹 松
 源岳云二年一閏喝一喝

應庵華頌云一莖兩莖斜其意毒如蛇三莖四莖曲無
 疑入地獄言下若知非心空及第歸堪笑蔣山老無端
 入荒草

丞門偃禪師僧問樹凋葉落時如何師云體露金風

黃龍新云大小雲門境上縛殺雲巖即不然樹凋葉落
 時如何珊瑚枝枝撐著月 雪堂行云大小死心向句

裏縛殺山僧恁麼道為復厭直為賤為復別有道理
 泐潭清云若向言下取則句裏呈機要見雲門千山萬

水何故妙体本來無處所通身那更有來由 教忠光
云雲門騎賊馬趕賊隊奪賊鎗殺賊只知其殺不知其
活要知殺活莫隨言語大用現前超今越古 松源岳
拈拄杖云雲門可謂騎賊馬趕賊奪賊刀殺賊只是諸
人不得恁麼會何也命若懸絲拈拄杖下座

泉大道頌云體露金風觸處周何須葉落始知秋清風
樓上當年事直至如今笑未休 雪竇顯云問既有宗
答亦攸同三句可辨一鏃遼空大野兮涼颼颼長天
兮踈雨濛濛君不見少林久坐未歸客靜依熊耳一叢
叢 佛性泰云涼風落木楚山秋滿樹寒蟬噪不休紅
蓼白蘋開兩岸不知誰在釣魚舟 白楊順云金風體
露後何言大道從來絕變遷一葉飄空天似水臨川人

喚渡頭船 佛鑑懃云樹凋葉落何時節體露金風九
月天滿目真如人不會一川風月正滌然

雲門僧問四面森森如何是靈樹師云風鳴兩息云如何
是靈樹枝條師云曬眼皮草

安國瑄禪師舉國師碑文云得之於心伊蘭作旃檀之樹
失之於旨甘露乃疾藜之園乃問僧云我要箇語具得失
兩意汝作麼生道僧豎起拳云不可喚作拳頭師不肯亦
豎起拳別云只為喚作拳頭

雪竇顯云無繩自縛漢拳頭也不識 大滄秀云雪竇

與安國盡謂孤高方外及乎臨鋒受敵又却逐隊隨行
我要箇語具得失兩意待伊豎起拳云不可喚作拳你
又喚作甚麼從伊說出得失兩意也要其中見人只與

磨和泥合水有甚分曉 應庵華云若見得雪竇徹便
見安國龍頭蛇尾若見不徹伊蘭作旃檀之樹其露乃
疾藜之園

風穴沼禪師僧問滿目荒郊翠瑞草却滋榮時如何師云
新出紅爐金彈子筵破闍黎鐵面皮

石門禪師示衆云家山好家山好家山內有無根草澗源
異草競芬芳春雷一震金僊道

神鼎謹云作麼生是春雷與大眾說破得麼喝一喝下
座

竹園山禪師僧問既是竹園還生笋也無師云千株萬株
云恁麼即學人有分也師云汝作麼生僧擬議師便打
洞山聰禪師手植萬松於東嶺而誦金剛般若經山中入

名其嶺曰金剛僧問嶺在此金剛在甚麼處師指松云此
一株松老僧親手栽

洞山僧問無根樹子向甚麼處栽師云千年常住一朝僧
法眼益禪師一日指竹問僧還見麼云見師云竹來眼裏
眼到竹邊僧云總不恁麼師休去

法燈別云當時但壁開眼向師 歸宗別云和尚只是
不信某甲

汾陽昭禪師僧問甘露水頻淋爲甚麼百草不生芽師云
田踈不貯水龍王爭奈何

德山先禪師僧問寸草不生時如何師云大地火起紅燄
連天云生後如何師云昨夜風霜甚今朝野火燒

北院禪師問青峰洛浦道入荒田不揀信手拈來草何不

道作麼生是信手拈來草峰乃作拈勢
舟霞溥別云是則是只是未能喫草

承天高禪師僧問靈草未生芽時如何師云切忌動著云
生芽後如何師云昨夜遭霜了

法昌遇禪師一日在門前栽松黃龍南禪師至乃云小院
小舍我許多松作甚麼師云臨濟道底南云我得多少師
云但見猿棲鶴宿寧知雀漢侵雲南乃指面前石山云這
裏爲甚麼不栽却師云功不浪施南云也只是無下手處
師却指石上松云這箇從甚麼處得因作石松詩云盤根
迸石苔鋪縫偃蹇龍形積翠深壑鶴插空多雨執帶翠籠
月是潮音應無要壓羣峰意終有常懷貯雪心猿凍下崖
來上哭禪餘獨對苦中吟

龍華照禪師僧問菩提樹下度衆生如何是菩提樹師云
太似苦練樹云爲甚麼似苦練樹師云素非良馬何勞鞭
影

石門徹禪師僧問枯木倚寒巖時如何師云莫作這活計
云作甚麼活計即得師云活計家山寶縱橫處處通

隆慶閑禪師因問訊黃龍次龍云汝知見只得上梢不得
下梢師云某甲上梢亦得下梢亦得龍云如何是上梢師
云風過樹搖頭云如何是下梢師云刀斫斧鑿龍云老僧
即不然師云如何是上梢龍云頭鬚鬢耳卓舉師云如何
是下梢龍云緊峭草鞋師云謝師答話龍便喝

徑山泉禪師問僧香巖上樹話你作麼生僧云好對春風
唱鷓鴣師云虎頭上座道樹上即不問未上樹請和尚道

又作麼生僧云通來向和尚道了也師云好對春風唱鷓鴣
鴝是樹上語樹下語僧無對師便打

東林顏禪師僧問香巖上樹話意旨如何師云插不成畫
不就云李陵雖好手爭免陷番身師云甚麼處去來

香林鋤草見水
火門

丹霞剗草見行
童門

鏡清鋤草見沐
浴門

麻谷鋤草見門
戶門

洞山萬里無寸草親解
門

歸宗剗草見
蛇門

五祖栽松見行
童門

興化問松是甚人栽親
門

洛浦云當軒竹見
教門

翠微指竹示清平見
教門

香巖擊竹見
道門

珪禪師嶽神移松見
神門

南泉云吹折一枝松見
雲門

忠國師青蘿黃緣見
果門

大同庭前一叢竹見
教門

斫木公案並見
薪門

○花果

世尊昔在靈山會上拈花示眾是時眾皆默然唯迦葉尊
者破顏微笑世尊云吾有正法眼藏涅槃妙心實相無相
微妙法門不立文字教外別傳付囑摩訶大迦葉

白雲端云迦葉善觀風雲別氣色雖然如是還覺頂門

重磨 黃龍心云直下穿過髑髏已是換却眼睛臨危

不在悚人向甚處見釋迦老子 月庵果云大衆醉龍

蛇別休咎須是佩毘盧印具頂門眼還知釋迦老子為

人處麼大似見免放鷹看孔著楔不妨善其樞要福嚴

然則晚輩今日亦欲效顰單乃堅拂子云見麼見麼良久

云更深夜靜歸堂歇去

黃檗勝頌云靈山卓地紅蓮發白眉老翁笑不歇轟轟

洪韻震東西八萬迷徒猶未瞥 佛慧泉云霜風括地
 掃枯艾誰覺東君令已回唯有嶺梅先漏泄一枝獨向
 雪中開 白雲端云盡說拈花微笑是不知將底辨宗
 風若言心眼同時證未免朦朧在夢中 正覺述云教
 外單傳事最奇梵羅綿手舉花時會中不得鷄峰老無
 限清香付與誰 無為子云世尊舉花迦葉微笑歎不
 兒孫上祖不了 長靈卓云世尊拈花迦葉微笑不落
 宮商是何曲調古洞風清寒潭月皎 無盡居士云世
 尊迦葉不相知陷虎機關各自施正眼妙心真實相靈
 山會上付他誰

世尊因黑氏梵志運神力以左右手擎人歡悟桐花兩株
 來供養佛云僊人梵志應諾佛云放下著梵志遂放下左

手一株花於佛前佛又召僊人云放下著梵志又放下右
 手一株花佛又云放下著梵志云世尊我今空身而住更
 教放下箇甚麼佛云吾非教汝放捨其花汝當放捨外六
 塵內六根中六識一時捨却無可捨處是汝免生死處梵
 志於言下悟無生忍小辨
 須菩提說法帝釋兩花須菩提乃問此花從天得耶從地
 得耶從人得耶帝釋皆云弗也須菩提云從何得耶帝釋
 遂舉手須菩提云如是如是

雲門云帝釋舉手處作麼生與你四大五蘊釋迦老子
 是同是別 馮山果云二尊宿怎麼說法可謂就地撮
 將黃葉去入山推出白雲來勘證將來如來禪即從伊
 祖師禪未夢見在

牛頭山融禪師未植四禩以前居牛頭山棲於北巖感百鳥啣花日以供養後四祖來廣說法要遂乃開悟此後百鳥不復啣花後有僧問南泉牛頭未見四祖為甚麼百鳥啣花獻泉云為渠步步踏佛階梯云見後為甚麼不來泉云直饒不來猶較王老師一線道

雲門云南泉只解步步登高不解從空放下僧問如何是步步登高門云香積世界云如何是從空放下門云填溝塞壑洞山於階梯處云如掌觀珠意不暫捨又於一線道處云通身去也

雪竇顯頌云牛頭峰頂鎖重雲獨坐寥寥寄此身百鳥不來春已過不知誰是到庵人無為子云紫氣氤氳透白雲因逢宗匠指迷津啣花百鳥空惆悵不見庵中

舊主人 祖印明云誼寂同為不二門莫來無佛愛稱尊寄言牛首庵中老百鳥啣花禍有根 夢庵信云寥寥風月卧煙霞百鳥從茲不獻花人義盡從貧處斷世情偏向有錢家 無盡居士云花落花開百鳥悲庵前物是主人非桃源咫尺無尋處一棹漁蓑寂寞歸 天童覺云花鳥不來空過春牛頭山上懶融人自心淨故元無作放下許多閑苦辛

耽源真禪師在忠國師會中為侍者一日攜籃子歸方丈忠問籃裏甚麼物師云青梅忠云將來何用師云供養忠云青在那堪供養師云以此表獻忠云佛不受供養師云某甲只恁麼和尚如何忠云我不供養師云為甚麼不供養忠云我無果子

大梅常禪師因龐居士問久響大梅未審梅子熟也未師云你向甚處下口土云百雜碎師云還我核子來翠巖芝云此二人大似把手上高山松源岳頌云大梅梅子熟龐老已先知正眼驗深要相逢拍手歸南泉願禪師因陸亘大夫云肇法師也甚奇恠解道天地同根萬物一體師指庭前牡丹花云大夫時人見此一株花如夢相似

圓悟勤云陸亘大夫手攀金鎖南泉八字打開直得七珍八寶羅列目前乃豎起拂子云天地一指萬物一爲通身是口分踈不下保寧勇代陸拍手云阿誰到這箇田地 經山泉云這一則公案流布叢林近三百載

中間有無數善知識出世只是未嘗有一人與伊分明判斷徑山今日與伊斷却若向理上看非但南泉謾他陸亘一點不得亦未摸著他脚下一莖毛在若向事上看非但陸亘謾他南泉一點不得亦未夢見他汗臭氣在或有人出來道大小徑山說理說事即向他道但向理事上會取 瑞巖菰云大夫致箇問端不妨奇特被南泉將一粒黑豆換却眼睛便見忘前失後

雪竇顯頌云見聞覺知非一一山河不在鏡中觀霜天月落夜將半誰共澄潭照影寒上方益云一枝兩枝千萬枝金刀擬剪却離披不離披有誰知自緣今日人心別味必秋香一夜衰 黃龍心云舉則易見還難彌盧頂上天風寒峩峩道下蒼龍窟誰敢覩著 死心新

云舉則易見還難同攬天地又顛預南泉指出花如夢
對此憑君子細看 佛鑑勲云南泉瀝膽為諸人笑指
庭前別是春不是守株閑待兔直須騎鶴上青雲 徑
山杲云天地同根伸一問未曾擡步已忘家無陰陽處
花重發玉本無瑕似有瑕

南泉僧問青蓮不隨風火散時是甚麼師云無風火不隨
是甚麼僧無對師却問不思善不思惡思總不生時還我
本來面目來僧云無容止可露

洞山云還曾將示人麼

牛頭忠禪師見凌霄藤遇夏葉悴人欲伐之師謂之云勿
剪慧思還時此藤更生及師廻果如其言

南陽忠國師云青蘿黃緣直上寒松之頂白雲淡泞出沒

太虛之中萬法本閑惟人自鬧

黃龍南云閑箇甚麼咄 女覺云且道國師眼在甚麼

處 天衣懷云南山起雲北山下雨會麼甜瓜徹蒂甜

苦瓠連根苦 應庵華云天童也下一著青蘿黃緣直

上寒松之頂白雲澹泞出沒太虛之中狗子尾巴書梵

字野狐窟宅梵王宮

道吾智禪師一日指佛桑花問僧這箇何似那箇僧云直
得寒毛卓豎師云畢竟如何僧云道吾門下底師云十里
大王

圓悟勤云以膠投漆驗影知形不諳正去偏來爭解明

頭暗合還委悉麼蝦蟇躡跳上天蚯蚓躡躡過東海

瀉山祐禪師與仰山遊行次烏鴉一紅柿落師前師將與

仰山仰接得以水洗了却與師師云子甚麼處得來仰云此是和尚道德所感師云汝也不得空然即分一半與仰山

玄沙云大小瀉山被仰山一坐至今起不得

古德頌云鴉嘴柿子落師前致獻何來事皎然各分一

半甘如蜜如今不會是何年

睦州蹤禪師因西峰長老至置茶果次師問長老今夏在

甚處安居峰云蘭溪師云有多少衆云七十來又師云時

中將何示徒西峰拈起柑子呈師云著甚麼死急

睦州見僧來參師便喝云上座如何偷常住果子僧云某

序方到因甚道偷果子師云賊物見在

保寧勇代云這老賊

松源岳頌云傾盡寶山寶全身久荒草若是鳳凰兒不

向那邊討

靈雲勤禪師參瀉山見桃花悟道有頌云三十年來尋劍

客幾回葉落又抽枝自從一見桃花後直至如今更不疑

舉似瀉山山云從緣得入求不退汝善護持後玄沙聞

云諦當甚諦當敢保老兄猶未徹在

長慶因僧問玄沙意旨如何慶云將謂胡鬚未更有赤

鬚胡保寧勇云直道靈雲覓甚麼道理莫是悟得箇

萬法不生不滅無去無來空寂之理麼若與麼何曾悟

在只如玄沙與麼道為復是肯他不肯他若道肯他玄

沙眼在甚麼處若道不肯他靈雲看甚麼過衆中箇量

極多所以千聞不如一見保寧亦敢保諸人未徹在

南華島云靈雲悟處窮盡萬法根源玄沙稱提坐斷千
 差要路一唱一酬一舒一卷大似把手上高山然雖如
 是路逢劍客須呈劍不是詩人莫獻詩 長蘆心云靈
 雲玄沙好一對無孔鐵鎚競生節目若是長蘆前下與
 他一坑埋却何故皓玉無瑕雕文喪德
 首山念頌云分明歷世三十春因悟桃花色轉新人人
 盡得靈雲意不識靈雲真何人 神鼎誣云傷嗟尋劍
 客桃花遇春開靈雲一見處令我笑哈哈 慈明圓云
 二月桃花處處新靈雲一見更無親相逢盡道休官去
 林下何曾見一人 雪竇顯云本無迷悟數如麻獨許
 靈雲是作家借問徧參諸祖客不知何處見桃花 翠
 巖真云子路當時問要津滔滔天下丈夫人相逢相見

若如此更有春風春又春 覺範洪云靈雲一見不再
 見紅白枝枝不著花巨耐釣魚船上客却來平地擺魚
 蝦 開福寧云百煉精金大冶中任他騰燄且天紅須
 更拈出教人看添得行家價轉豐
 洞山价禪師因請泰首座喫果子次乃問有一物上拄天
 下拄地黑似漆常在動用中動用中收不得你道過在甚
 處泰云過在動用中師便喝乃令掇却果卓
 五祖戒別首座云朝來更獻楚王看 琅琊覺云若不
 是洞山老人焉能辨得雖然如是洞山猶少一著在
 大滌詰云還知洞山落處麼若也不知徃徃作是非得
 失會去山僧道這果子莫道泰首座不得與設使盡大
 地人來亦不得正眼覷著 雲蓋本云洞山雖有打破

虛空底鉗鎚且無補綴底針線待伊道過在動用中但
 道請首座喫果子泰首座若是箇漢喫了也須吐出大
 開善謙云洞山倚勢欺人真如隨風倒拖忽有人問山
 僧道過在甚麼處拈果子便喫何故下坡不走快便難
 逢 黃龍忠云垂絲千尺意在深潭泰首座又戰沙場
 功名不就為山當時若見洞山問了便揖云請喫果子
 直饒洞山有懸河之辯也須教伊結舌 南堂靜云洞
 山老坐籌幃幃決勝千里泰首座通身是口有理難伸
 仰山寂禪師因送果子上為山為云子甚麼處得來師云
 家園底為云堪喫也未師云未敢先嘗將獻和尚為云是
 誰底師云其中底為云是你底為甚麼教老僧先嘗師云
 和尚嘗千嘗萬為便喫云猶帶酸澁在師云酸澁莫非自

知為不對

看青禪師僧問不落道吾機請師道師云庭前紅莧樹生
 葉不生花僧無語師云會麼僧云不會師云正是道吾機
 為甚麼不會僧作禮師便打云須是老僧打你始得僧又
 無語

圓悟勤云來源既正只貴轉身這僧眼既搭癡綠青遂
 因風放火當時若是箇漢待他道庭前紅莧樹生葉不
 生花便與掀倒禪牀直饒道吾親來也須與他平展還
 委悉麼某逢敵手難藏倖詩到重吟始見功
 欽山邃禪師一日在佛殿上看花次有僧問師拈起花
 葉云是世界非世界從此去僧云祇此手中底從甚麼處
 去師與一掌云手中底是甚麼僧云因和尚所置累某甲

契搆師云若與麼我還沙一搆將面近前僧云欽山與麼
端正師云世界還有過我者也無僧云有師云誰僧提起
袈裟角云空劫已前誰人辨得師云除却汝未有人敢與
麼僧以袖遮面而去師云空招此患僧云苦苦師云如今
不苦更待何時良久云汝且道苦在其麼處僧無語師云
雷聲甚大雨點全無

佛鑑懃云可惜放過這老漢當初待伊將面近前便與
毒搆兩掌忽然知得來處決定須知手中底去處乃豎
拂子云還知得來處了也無良久云想君不是金牙作
爭解張弓射尉遲

疎山仁禪師因靈泉問枯木生花始與他合是這邊句是
那邊句師云亦是這邊句泉云如何是那邊句師云石牛

出三春霧靈雀不棲無影林

丹霞溥頌云滄海無風波浪平煙收水色虛含日月寒光
一帶望何窮誰辨箇中龍退骨

玄沙偈禪師因與韋監軍喫果子韋問如何是日用而不
知師拈起果子云喫韋喫果子了再問之師云只是日
用而不知

玄沙因闍王送荔枝與師師拈起示衆云這箇荔枝得恁
麼紅得恁麼赤諸人作麼生會若道得一色猶是籠侗若
道是衆色又落斷常諸人作麼生有僧出云不可不識荔
枝師自代云只是荔枝

雲門偃禪師因入京朝見廣南劉王在文德殿赴齋有鞠
常侍問靈樹果子熟也未師云甚麼年年中得信道生

雪竇顯代進語云猶帶酸澁在又代雲門云聖意難測
又云諸語

雲門因入京朝覲歸至大橋山門煎茶迎師師喫茶果次
僧侍立師語二參隨僧云是你京中無可喫乃拈一椽果
子與一僧其僧接得便去又語一僧云我不與你僧無對
師云那裏也有也其僧又無對別有僧出云某甲今日也
隨和尚來請一分得麼師云喫僧云某甲罪過觸忤和尚
師云我也不能唾得你僧無對師代前語云也知果子少
兩人共一椽代後語云某甲更是
雲門一日行次一僧隨後行師豎起拳云如許大栗子喫
得幾箇僧云和尚莫錯師云是你錯云莫厭良為賤師云
靜處薩婆訶

太原亭上座因保福發瓜次福云道得與你瓜喫師云把
將來福度與一片師接得便去

雪竇顯云雖是死蛇解弄也活誰是好手者試請辨看
水庵一云淨慈道這兩箇正是惡賊又添雪竇却是三
箇諸人且道三箇中那箇是正賊具眼者辨

亭上座到雪峰三齋院憩息因分柑子與僧長慶問甚麼
處將來師云嶺外將來慶云遠涉不易擔負得來師云柑
子柑子

明招謙禪師同國泰教上座三人在高同徒宅喫果子次
師遂拈椽攬召教教應諾師拈在手內云爭得到這裏教
隔卓子便奪師喝云一死更不再活

寶林禪師自種瓜俵與者人云昔日大士種瓜滿籃在路

等人來不是好心爭似此僧種瓜專人造上門到免見不
喫瓜者戰戰兢兢當此之際合下得甚麼語有官人云不
知辛苦與誰甜一僧云來年更有新條在一僧云更將一
箇來師不肯自代云懶得其便

風穴沼禪師與白兆喫果子次師云喫箇汝州果子要知
汝州滋味兆云若是汝州果子百味具足師云喫了也兆
云未喫爭知百味具足師云好果子

風穴僧問紫菊半開秋已至月圓當在息如何師云月生
蓬島人皆望昨夜遭霜子不知

風穴僧問語默涉離微如何通不犯師云常憶江南三月
裏鷓鴣啼處百花香

雪竇真顯云曾有人問我對他道瘦腹剗心又且如何

云因風吹火別是一家傷鬣怒龍必應有主 大瀉秀

云江南佳景誠合如之千載觀光添人性慤儻成不爾

來年更有新條在惱亂春風卒未休 天童覺云露躡

躡圓陀陀直是無稜縫且道風穴無稜縫何似雪竇無

稜縫還會麼和光惹事刮篤成家

海印信頌云鷓鴣啼處百花香拊掌呵呵笑一場因憶

舊年遊歷處送人雲塢入斜陽 寶峰明云鷓鴣啼處

百花鮮江國從來路坦然為報途中未歸客謝家人不

在漁船 鼓山珪云快騎駿馬上高樓南北東西得自

由最好腰纏十萬貫更來乘鶴上揚州 徑山杲云忽

爾出門先見路纜方下脚便登船神僊秘訣真堪惜父

子雖親不可傳

地藏琛禪師與長慶保慈六州見牡丹花障子福云好一
朵牡丹花慶云莫眼花師云可惜一朵花

玄覺云三尊宿語還有親疎也無只如地藏與麼道落
在其麼處 黃龍心云據此三人所見一人可謂超佛
超祖一人自利亦能利他一人不唯謾人兼亦自謾你
道自謾底一人是誰僧云莫眼花師云此去但向更深
夜靜迫絕無人處更共伊商量看

清居禪師因有道士送柑子與師乃問道家喚作柑子和
尚喚作甚麼師拈起柑子云未作黃金色先開白玉花
報恩則禪師僧問教中有言樹能生果作類梨色未來此
果何人得喫師云樹從何處來僧云學人有分師云去果入
萬四千

首山念禪師僧問一樹還開花也無師云開來久矣云未
審還結子也無師云昨夜遭霜了

伏龍山禪師僧問隨緣認果如何是果師云雪內牡丹花
泐潭悟禪師僧問六葉芬芳師傳何葉師云六葉不相續
花開果不成僧云豈無今日事師云若是今日即有云今
日事如何師云葉葉連枝秀花開處處芳

德山密禪師僧問百花未發時如何師云黃河水渾流云
發時如何師云幡竿頭指天

智門祚禪師僧問蓮華未出水時如何師云蓮華云出水
後如何師云荷葉

天童覺云靈龜無卦兆空殼不勞鑽

雪竇顯頌云蓮花荷葉君知出水何如未出時江北

江南問王老一狐疑了。一狐疑。白雲端云蓮華荷葉
有由哉泥水分時絕點埃堪憶九龍初沐處東西一步
一枝開無盡居士云蓮華荷葉共河中華葉年年綠
間紅春水漣漪清徹底一聲啼鳥五更風佛鑑懃云
香苞冷透波心月綠葉輕搖水面風出未出時君看取
都盧只在一池中慈受深云兩餘檻外差差碧風撼
池中柄柄香多謝浣沙人不折雨中留得蓋鴛鴦
淨衆信禪師僧問蓮華未出水時如何師云菡萏滿池流
云出水後如何師云葉落不知秋
天童覺云李陵持漢節潘閭倒騎驢
丹霞溥頌云白藕未萌非隱的紅花出水不當陽遊又
莫用傳消息自有清風遊遠香

天台國師僧問一花開五葉結果自然成如何是一花
開五葉師云日出月明云如何是結果自然成師云天地
皎然

興陽剖禪師在大陽延禪師會下作園頭種瓜延問甜瓜
何時熟師云即今熟爛了也延云揀甜底摘來師云與甚
麼人喫延云不入園者師云未審不入園者還喫也無延
云汝還識伊麼師云雖然不識不得不與延笑云去
崇勝祚禪師僧問覺花開處直如秀蕊菡萏芳華若何師
云不可更向你道得云恁麼則而地香風起彌天祖日新
師云也是椀鳴聲

興化岳禪師僧問一花開五葉結果自然成如何是那
一花師云不堪供養佛僧云猶向甚麼處師云十字畫堆頭

石霜林禪師僧問石霜枯木重生時如何師云海底金龜
走天邊玉兔明云恁麼則覺花開有地果熟自然香師云
須彌頂上面南行

葉縣省禪師與僧摘藤花次有僧問此日摘藤花他時還
有果報也無師云有即錯僧云恁麼則無果報也師云你
却是箇作家

法華舉禪師因遊園次見千葉蓮池乃問僧池在這裏蓮
在其處云白浪起時應難見未覩波澄別却逢師云明向
上事僧却問池在此蓮在甚處師云未至日藏青簪外時
來透向碧波心

法魯遇禪師僧問一花開五葉結果自然成葉則不問如
何是花師云茂華連天秀馨香而地紅云甚麼田地栽得

師云長自靈山雨開因少室風云未審幾時結果師云但
得根株是何愁果不收云師云人還有分也無師云無分云
人人具足學人爲甚麼無分師云莫將九界眼來翫覺園
春師乃云昨日看庭花今日翫芳草芳草與庭花各自爭
妍好花先芳草衰草亦隨花槁如何浮世人不悟生難保
良又云何須得零落然後始知空

法昌一日與訥首座修花壇次乃問南泉道時曾見此一
株花如夢相似且道你見似箇甚麼訥云只是一株花師
云與麼則你也只在南泉窠窟裏訥云未審古人意作麼
生師云拈麈過來訥過麈了又問師云古人去世久矣

法昌因冬夜與感首座喫果子師拈起橘子云這箇滋味
何似黃龍感云須待嘗過始得師云驢人端的處開口便

知音感云末法禪師多虛少實師拈起橐子云透箇又作
麼生感云須是和尚始得師云一箇橐子早是不奈何感
云饒人不是弱漢

雪竇顯禪師僧閣山花開似錦澗水湛如藍學人分上為
甚麼不會師云棺木裏瞠眼云恁麼則從苗辨地因語識
人也師云三十棒且待別時

白雲端頌云一枝枯草強遮羞明鏡當軒燭盡幽滿面
慚惶移步去清光灼灼避無由

雪竇在池州景德為首座時太守曾學士入院相訪茶果
次曾拈箇橐子拋在地上召師師應諾曾云古人道不離
著處常湛然在那裏師指鼻德長老云祇這老子也不知
落處曾云首座知也不得無過師云明眼人難瞞

南堂靜云好雪竇大眾看他指景德長老云只這老子
亦不知落處所謂爛泥裏刺綿絮內針於此會得便知
其首尾分曉今夜有條攀條無條攀例遂擲下拂子云
不離當處常湛然落在甚麼處還有道得底麼良久云
曉在眼前長不見道非身外更何求

兜率悅禪師謂真淨後出世鹿苑有清素者又參慈明寓
居一室未始與人交師因食蜜漬荔枝偶過門師呼云此
老人鄉果也可同食之素云自先師亡後不得此食久矣
師云先師為誰素云慈明也某甲忝執侍十三年耳師乃
疑駭云十三年堪忍執侍之役非得其道而何遂饋以餘
果稍稍親之素問師所見者何人師云洞山文素云文見
何人師云黃龍南素云南匾頭見先師不久後來法道大

振如此師益疑駭遂袖香詣素作禮素起避之一言吾以福薄先師受記不許為人師益恭素乃云憐子之誠違先師之記子平生所得試語我師乃具通所見素云可矣能入佛而不能入魔也師云何謂也素云豈不見古人云未後一句始到牢關如是累月素乃印可仍識之云文示子者皆正知見然子離文太早不能盡其妙吾今為子點破使子受用得大自在他日切勿嗣吾也師後嗣真淨文五祖演禪師僧問牛頭未見四祖時為甚麼百鳥嚙花獻師云富與貴是人之所欲云見後為甚麼公不唯花師云貧與賤是人之所惡

○涇山杲云師翁恁麼答語雖則善赴來機爭奈語驚時聽經山亦有兩轉語要與師翁相見牛頭未見四祖時

為甚麼百鳥嚙花獻師屋上安蚩剌見後為甚麼不唯花獻佛殿裏掘東司

法闕上座在東林度禪師席下一日拈花繞度禪牀一而背手插香爐中云和尚且道意作麼生度屢下語皆不契踰兩月遂問闕令試說之闕云某甲只將花插香爐中和尚自疑有甚麼事來

○僧問牛頭未見四祖時為甚麼百鳥嚙花獻

大覺禪師云有恁麼畜生無所知 石門聰禪師云果

熟馨香鴉鳥啄 國清奉禪師云如陝府人送錢財與

鐵牛 求明潛禪師云見東見西 大陽玄禪師云

出穴烏鷄頭戴雪 高陽廣禪師云春煦發生應無滯

響達靈源幾類欽 黃龍南禪師云釘根桑樹關角水

牛、四祖宣禪師云卷風使帆、景德政禪師云有錢千里通、黑水欽禪師云陽氣發來無硬地

○進云見後為甚麼不啣花獻

大覺云無恁麼畜生有所知、石門云萬象頓息鬼神愁

云見與不見是同是別師云山河不礙青霄路妙用縱橫

處處通、國清云木馬投明行八百、永明云見南

見北、大陽云果日當天後烏鷄出石飛、高陽云

人事祇因貧處斷世情偏向富門家、黃龍云棍無襠

袴無口、四祖云相頭買帽、景德云無錢隔壁聾

黑水云春殘花落類無羣

僧問蓮花未出水時如何

風穴沼禪師云未能超濁水不被淤泥侵、金沙禪師

云探頭覷不見、慈明圓禪師云水深蓋不得、鐵

連帝經殘兩、梁山崇禪師云時未至、五祖戒禪

師云野老謳歌、延福瓊禪師云朕兆未分人盡望

琅琊覺禪師云猫兒戴紙帽、洞山初禪師云楚山頭

到卓、首山念禪師云徧天徧地又云水深一丈

葉縣省禪師云競生頭角、神鼎誼禪師云千山萬水

姜山方禪師云穿針嫌眼小、天龍機禪師云誰人

不知有、承天原禪師云馨香藹藹、上方岳禪師

云應是乾坤惜不教容易開、浮山遠禪師云焦轆打

著連底凍、乾明應禪師云撐天拄地、三祖宗禪

師云節氣未至、華光禪師云枝葉甚分明、靈

頁一、三五

泉仁禪師云雪霜凋不傷 淨因岳禪師云清波無透

路 保寧勇禪師云半陰半陽 禾山安禪師云魚

挨驚倚 開福寧禪師云人天合掌 雪竇宗禪師

云沒却你鼻孔 護國元禪師云一任摸索 道場

辯禪師云未過冬節莫道寒 月庵果禪師云乾坤無

異色 進云出水後如何

風穴云孤輪雖有異函菖不新鮮云開敷後如何師云水

僊頭上戴莢好莫窺攀 金沙云長三尺餘 慈明

云不礙往來看云開花後如何師云南北馨香云結子後

如何師云餵魚餵鷺 鐵幢云連夜不用曉風吹

天柱云水僊頭捧寶希奇 梁山云闔國人盡知

五祖云謠歌野老 延福云及乎天曉也尋常 琅

耶云狗子著靴行 洞出云漢水正東流 首山云

特地一場愁又云從地高三尺 葉縣云一場懣懣

神鼎云萬水千山 姜山云盡日展愁眉 天龍云

馨香自擊 承天云絕消息 上方云香透碧皮敷

水面葉鋪金沼覆鴛鴦 浮山云洋瀾左裏無風浪起

乾明云填溝塞壑 三祖云去傘相似 華光云

一任衆人觀云天地若教出池塘焉敢藏師云莫妄想

靈泉云天地於教開 淨因云目前無異草云恁麼則

馨香滿大唐師云非公境界 保寧云七零八落

禾山云水僊頭上戴好手絕躋攀云出與未出時如何師

云應是乾坤惜不教容易看 開福云不礙往來看

雪竇云穿普徧眼睛 護國云有眼如盲 道場云

未過夏至莫道熱云出與未出時如何師云三十年後不

要錯舉 月庵云徧界有清香

須菩提感諸天雨花規

趙州與文遠輸果子觀

閩王封柑橘上雪峰現

雲居因天使問真前果子觀

香燈

誌公大士垂語云終日拈香擇火不知身是道場

玄沙云終日拈香擇火不知真箇道場 玄覺徵云只

如此二尊者語還有親疎也無 雲竇顯云一對無孔

鐵鎚 圓悟勤云終日拈香擇火不知拈香擇火 天

童覺云奇恠八十翁翁出場屋不是小兒戲且道利害

在甚麼處有智無智較三十里

誌公臨終燃一燭以付後閣舍人吳慶慶以事聞梁帝帝

嘆云大師不復留矣燭者將以後事囑我乎因以厚禮而

葬之

龍潭信禪師因德山侍立抵夜師云夜深子何不下去山

遂珍重揭簾而出見外黑師却回云外面黑師乃點紙燭度

與山山擬接師便吹滅以心大悟作禮師云子見箇甚麼道理山云某甲從今以去不疑天下老和尚舌頭也師至明日陞堂告衆云可中有箇漢牙如劍樹口似血盆一棒打不回頭他時向孤峰頂上立吾道去在山遂取平日疏鈔將一炬火提起云窮諸女辯若一毫致於太虛竭世極機似一滴投於巨壑將疏鈔便燒却禮辭而去

白雲端頌云明暗相凌不足云絲毫有解未爲親紙燈忽滅眼睛出打破大唐無一人 保寧勇云一條瀑布

巖前落半夜金烏掌上明大口開來添意氣與誰天下共橫行 上方益云一陣旋風霧靄開千峰突出碧崔嵬驚猿怨鶴拋來又半夜山前喚得回 大洪遂云明暗相形事渺茫誰知腦後迸神光都來劃斷千差路

北東西達本鄉

天寧璉云德嶠龍潭啐啄機芥針投

合契玄微孤峰盤結幪頭坐不顧青山雲自歸

趙州諗禪師僧問一燈燃百千燈未審一燈從甚麼處發師便趯出一隻履又云作家即不與麼問

趙州因一居士到院燒香師問僧伊在那裏燒香禮拜我又共你在這裏語話正與麼時在那頭僧云和尚是甚麼師云與麼即在那頭也僧云與麼已是先也師笑之 雲巖晟禪師僧問二十年在百丈巾餅爲甚麼心燈不續師云頭上寶華冠僧云頭上寶華冠意旨如何師云大唐天子及冥王後僧舉問九峰虔禪師大唐天子及冥王意旨如何虔云却憶洞上之言

丹霞淳頌云玉鞭高舉擊金門引出珊瑚價莫論迥古

輪王全意氣不彰寶即自然尊

道吾智禪師問僧甚麼處來僧云漆香來師云見佛不云見師云甚麼處見云下界見師云古佛古佛

洞山价禪師因夜參不點燈有僧出問話退師令侍者點燈遂召適來問話僧出來其僧近前師云將取三兩粉與這箇上座其僧拂袖而退自此有省遂整捨衣次請禪得三年後來辭師師云善爲時雪峰待次問云只如這僧辭去幾時却來師云他只知一去不解再來其僧歸堂於衣鉢下坐化及人報師師云雖然如此猶較老僧三生在投子同禪師僧問累劫來來無盡燈不曾挑剔鎮長明時如何師云累劫來來無盡燈不曾挑剔鎮長明

開先印云問既如斯答亦相似爲甚東家點燈西家暗

坐明眼禪人試請辨看

雲居膺禪師因衆僧夜參侍者持燈來見影在壁上有僧便問兩箇相似時如何師云一箇是影

九峰虔禪師僧問動容沉古路身沒乃方知此意如何師云偷佛錢買佛香僧云學人不會師云不會即燒香供養本爺娘

高舍人看鏡燈乃問僧云十方總是佛且那箇是報身佛那箇是法身佛僧無對

保寧勇代云舍人更問阿誰

南院顯禪師僧問燃燈前即不問燃燈後亦不問如何是正燃燈師云滅僧從東過西邊立師云野狐精

雲門偃禪師云若說菩提涅槃真如解脫是燒檀香供養

你若說佛說祖是燒黃熟香供養你若說超佛越祖之談是燒餅香供養你故依佛法僧下去

應庵華云三百六十骨節八萬四千毛竅被雲門一棒打開了也還有為坡竭力底麼出來與雲門作主與歸宗相見

長慶稜禪師因有人問僧點甚麼燈僧云長明燈云甚麼時點僧云去年點云長明何在僧無語師代云若不如此爭知公不受人瞞

法眼別云利動君子

保福豁禪師因卧龍問豁闍黎見何尊宿來師云某甲謁大章得箇信入處龍遂陞座衆集龍召豁闍黎出來燒香對衆說悟處老僧為汝證明師出燒香云香已燒了悟即

不悟龍深肯之

香林遠禪師僧問如何是室內一盆燈師云三人證龜成

鬻成龜

投子青頌云六耳同謀事可成直言方表赤心入室中

燈燄誰來撥白髮童兒兩鬢新 西禪需云三人證龜

成龜剛把天機漏泄木人嶺上歌歌石女眼中滴血

首山念禪師僧問如何是迦葉門前一盞燈師云孤峰朗月連天照性似寒泉徹底清又僧問如何是燃燈前師云諸佛在我前云如何是燃燈後師云諸佛在我後云如何是正燃燈師云青山無異路又僧問如何是和尚截人之機師云三門前點燈云未審意旨如何師云佛殿後燒香首山問僧是凡是聖僧云非凡非聖師云太不定生云離

此二途請師速道師云自山今日燒香供養你去也云某甲持來禮拜師云滴水難消

雲門山晏禪師僧問如何是古寺一爐香師云廣大勿人喫僧云喫者如何師云六根俱不到

地藏禪師僧問既是地藏地藏還來不師云打開佛殿裝香換水

法眼益禪師僧問百年暗室一燈能破如何是一燈師云論甚麼百年

水陸儼禪師上堂大衆集定師下座捧香爐巡行大衆前云供養十方諸佛便歸方丈

藥山光禪師僧問藥嶠燈連師當第幾師云相逢盡道休官去林下何曾見一人

開元耀禪師僧問如何是燈燈未絕師云青楊翻遞植云學人不會師云無根樹下唱虛名

南嶽橫龍禪師僧問如何是祖燈師云八風吹不滅云恁麼即暗冥不生也師云白日沒閑人

清涼欽禪師僧問法眼一燈分照天下和尚一燈分照何人師云法眼甚麼處分照來

天王慈禪師僧問如何是迦葉心燈師云月似羅中鏡羅漢果禪師僧問鑿壁偷光時如何師云錯云爭奈苦處

專心師云錯石門徹禪師僧問一燈燃百千燈如何是一燈師云威音

室裏元無燭三更不借夜明簾又僧問燈未點時明在甚麼處師云祇如胡蝶未問時問在甚麼處

承天確禪師傳隨如何是六丙一盞燈師云四時無凋變
入節鎮長明云忽遇大風起時如何師云若人行夜地終
是不惺惺

香山良禪師僧問百年暗室一燈能破時如何師云撞墻
撞壁云豈無方便師云透七透八

廣德義禪師僧問如何是不昏底事師云夜半無燈爛家
書歷歷宣

智門祚禪師僧問如何是燃燈前師云空劫無闌人云如
何是正燃燈師云火星入牛斗云如何是燃燈後師云衲
僧天下走

神鼎謹禪師僧問燃燈前即不問燃燈後亦不問如何是
正燃燈師云一輪光灼灼今古無晦暝

石門聰禪師僧問香煙纔起是厥皆知未審主山後如何
師云向你道還信麼云特伸請益師便喝僧云和尚為甚
麼諱人道著師云時僧禮拜

慈明圓禪師在衆時到芝和尚寮芝坐問開合子拈香燒
次師問作麼生燒之便放爐中燒師云斲郎當漢又恁麼
去也

白雲端頌云千入萬人行一路幾箇移身不移步對面
拈香爐上燒斲郎當漢又恁麼

慈明僧問油盡燈滅時如何師云養子不及父

南嶽寶闍禪師住報慈東藏時藏中有鏡燈一座即華嚴
三祖賢首大師製也師覩之頓喻廣大法界重重帝網之
門佛佛羅光之像因表之云此先哲之奇功苟非真不思

議善權之智何以創焉乃者五字頌五章覽之者悟理事
相融

慧林本禪師僧問千燈互照絲竹交音正恁麼時佛法在
甚麼處師云謝布施云莫便是和尚為人處也無師云大
似不齊來

五祖演禪師因郭功甫來訪乃拈起香云請和尚向香煙
起處露出白雲先師頂相師接得便燒却

圓悟勤禪師同佛鑑佛眼侍五祖於亭上夜坐歸方丈燈
已滅祖於暗中云各人下一轉語鑑云彩鳳舞丹霄眼云

鐵蛇橫古路師云看脚下祖云滅吾宗者克勤耳

趙州因請首座教裝香龕石霜首座香煙起脫去規

建山舊年燈規

藥山晚參不點燈規

搬掃

迦葉尊者一日踏泥次有一沙彌見乃問尊者何得自為
者云我若不為誰為我為

法眼云我當時若見拽來踏泥 五祖戒云迦葉與沙

彌說得好道理 洞山云莫要茶喫麼 保寧勇代云

雖然如是傍觀者哂

藥山儼禪師因雲巖出糞次乃問作甚麼巖云擔糞師去
那箇灣巖云在師云汝來去為誰巖云替他東西師云何
不教伊並行巖云和尚莫謗他師云不合與麼道巖云如

何道師云還曾擔麼規

百丈海禪師一日掃地次僧問落葉從風掃和尚因甚麼

自掃師云風來自有時

打地禪師自江西領旨自晦其名凡學者致問惟以棒打地而示之時謂之打地和尚一日被僧藏却棒然後問師但張其口僧問其門人云只如和尚每有人問便打地意旨如何門人即於竈底取柴一片擲在釜中

趙州論禪師見僧掃地遂問與麼掃還得淨潔也無僧示轉掃轉多師云豈無撥塵者僧云誰是撥塵者師顧視云會麼僧云不會師云問取雲居去其僧後問雲居如何是撥塵者居云這瞎漢

趙州因劉相公入院見師掃地問大善知識為甚麼却掃塵師云從外入

大慈中禪師因掃地次趙州問般若以何為體師云般若必何為體趙州呵呵大笑師明日見趙州掃地次却問般若

若以何為體趙州置掃帚拈掌大笑師便歸方丈

雪竇顯云前來也笑後來也笑笑中有刀大慈還識麼直饒識得也未免喪身失命 大馮喆云纔見呵呵大笑便與一掌明日又問待伊大笑又與一掌大慈若下

得這兩掌趙州若不對他可謂生鐵鑄就風吹不入漢大九宗師一等是搖撼乾坤直教如旱天霹靂萬里無

雲轟一聲教他眼目定動豈不快哉要識趙州大慈麼莫恠從前多意氣他家曾謁聖明君 黃龍新云趙州

金鑰不辨玉石不分直饒玉石分去也未夢見大慈在雲巖處禪師一日掃地次道吾云太區區生師云須知有

不區區者吾云恁麼則有第二月也師豎起掃帚云這箇是第幾月吾休去

玄沙與長慶坐次舉云我當時若見向伊道正是第二
月長慶云被他倒轉掃箒攔面搥又作麼生沙休去
羅山云噫兩箇漢不識好惡雲巖箇漢縛手脚死來多
少時也雲門云奴見婢慙慙保福云雲巖大似泥
裏推車步步區區雪竇顯向第二月處別云泊合放
過

仰山寂禪師因掃地次瀉山問塵非掃得空不自生如何
是塵非掃得師以掃箒掃地一下瀉云作麼生是空不自
生師以手指自身又指瀉山瀉云塵非掃得空不自生離
此二途又作麼生師又將掃箒掃地一下又指自身却指
瀉山

曹山本寂禪師問僧甚處去來僧云掃地來師云佛前掃

佛後掃僧云前後一時掃師云與我過加添添來

五祖戒出僧語云和尚是何心行

汾陽昭頌云器量方圓得見伊問君掃地是慈悲前後
一時俱掃却也是拈來第二機

洞山慶禪師凡有新到來須令擔泥三擔有一僧不肯乃

問云三轉內即不問三轉外事如何師云鐵輪天子寰中

勅僧無語師便打趁出院

撼柴

大瀉秀云夫欲君臣道合應須水乳和同這僧既抗節
朝堂不覺喪身失命當時見道鐵輪天子寰中勅將坐
具便揖待伊擬議劈面便撼

雪峰存禪師一日見僧遂喚其近前問云甚處去僧云普
請去師云去

雲門云此是隨語識人。天童覺云真動著動著三十
棒雲門道隨語識人又是為蛇畫足

雪峰一日問長慶云是甚麼處云天晴好普請

唐朝因禪師微時嘗運槌擊土塊次見一大塊戲槌猛擊
之應碎豁然大悟

老宿聞云盡山河大地被因禪師一擊百雜碎。應庵
華云老宿恁麼道縱知因禪師落處嚙鐵負轡有日在
這裏著得眼去也是徐六擔板

木平道禪師九有僧來參先令擔泥三擔有偈云南山路
側東山低新到莫辭三擔泥嗟汝在途經日又明明不曉
却成迷

金峰志禪師一日見僧掃地師問作甚麼僧豎起掃帚師

云猶有這箇在僧云和尚適來見箇甚麼師及拈起拄杖
圓悟勤云大小金峰猶作這箇去就當時待伊道和尚
見箇甚麼劈脊便棒何故殺人須見血為人須為徹
保福展禪師因僧侍立師云你得恁麼處云甚處是某
甲處師拈一塊土度與僧云拋向門前著僧拋了却
來云甚麼處是某甲處師云我見你築著磕著所以
道你處心

雪竇顯云然則這僧被保福熱瞞爭奈真不掩偽曲不
藏直雪竇將今視古於理不甘你這一隊漢忽僧堂裏
來寮舍裏去築著磕著你亦不知近來處心轉盛我若
放過便見諸方檢責乃卓拄杖下座

明招謙禪師在招慶普請搬泥次慶將拄杖當路坐問一

僧云上窟泥下窟泥僧云一棒又問一僧僧云下窟泥慶亦打一棒却問師師放下泥叉手云請和尚鑒慶休去

徑山杲云劈脊與一棒看他如何折合

法眼益禪師一日見僧擔土師乃以一塊土放於擔上云吾助你擔僧云謝和尚慈悲師不肯僧別云和尚其甚心行師休去

法眼一日令一僧去取土添蓮盆僧乃去取土來師云橋東取橋西取僧云橋東取師云是真實是虛妄或作報恩

蓮盆

仁玉勝禪師僧問農家擊壤時如何師云僧家自有本分事僧云不問僧家本分事農家擊壤時如何師云話頭何

在

婺州昌禪師一日因普請擔泥上至黃山結塔纔擔起師乃問大德眾合下得甚麼語眾無對師自代云各自努力又一日因普請擔輒大衆擔到秋瓦路處師乃問到這裏合作麼生僧云放下著師云好語只是辭繁師於是自代云放

歸宗泥壁覷

瀉山泥壁覷

大瀉泥壁覷

拾得掃地見門姓

搬米搬禾並見糧

搬柴並見柴

梵傑	明宥	中徽	周喆	壽皓	集要	梵從
中光	永訥	永邃	受震	瑞普	中頓	中防
昌翺	昌珪	梵珠	中祥	梵三	昌禪	梵融
歡琛	昌信	昌高	梵英	昌和	信攸	信攸
阿翰	昌與	周初	友聞	乾濟	祖傳	梵西
中賢	昌恪	中然	昌秀	梵知	壽音	梵皎
梵隆	梵諸	祖月	全湛	中明	明圓	超穎
昌燈	中觀	禪博	寶陽	梵果	周伊	周昇
中照	是靜	中圓	周觀	得妙	昌忍	中恕

各五十七文

柴薪

六祖大師三歲喪父其母守志鞠養及長家貧師樵採以給一日負薪至市聞客讀金剛經至應無所住而生其心有所感悟

石頭遷禪師問新到甚處來僧云江西來師云見馬大師不云見師乃指一椽柴云馬師何似這箇僧因指却回舉似馬祖祖云汝見椽柴大小僧云沒量天祖云汝見有力僧云何故祖云汝從南嶽負一椽柴來豈不是有力耶南泉願禪師因見僧斫木師乃敲木三下僧放下斧子歸僧堂師歸法堂良久却入僧堂見前僧在衣鉢下坐師云賺殺人

仰山寂禪師因石霜下有一禪客到瀉山乃云此間無一

人會禪後因甚請搬柴火師見二禪客歇遂將一椽柴問
云還道得麼一俱無語師云莫道無人會禪好歸舉似瀉
山云今日二禪客被慧寂勘破瀉云甚麼處被子勘破師
便舉前話瀉云寂子又被吾勘破

雲居錫云甚麼處是瀉山勘破仰山處

雪峰存禪師因普請次自負一束藤路逢一僧問下叉
手立僧擬取師便踏倒歸舉似長生云我今日踏得這僧
甚快生云和尚替這僧入涅槃堂始得師休去

法眼因有二僧各說道理請師斷師云汝兩僧一時入

涅槃堂玄覺云甚麼處是替那僧入涅槃堂處雪

竇顯云長生大似東家之死西家助哀也好與一踏

百雲云雪峰外面贏得五百家中失却一貫 崇壽

稠云此一轉語却還老兄東禪齊云只如長生意作

麼生南堂靜云雪峰一踏別傳教外雪竇一踏千古

無對長生答對失錢遭罪若人點檢得出老僧只呵呵

大笑且道笑與踏是同是別良久云參

上方益頌云暗拋香餌在江湄果是金鱗釣得歸不是

絲綸收得疾幾乎輸與鷺鷥兒佛燈珣云儘哉雪老

法中英肩上藤薪覲面呈目前不薦當頭著我踏

倒囊傾會知擔重因柴束自然便重不便輕何山奉報

諸禪侶孩兒須是的親生

雪峰普請破柴燒一堆火師云大衆近前向火長慶乃將

椽柴拋向火中云與和尚結緣

雪峰在洞山搬柴次乃對洞山拋下云重多少師

云盡大地人提不起山云因其得到

明招云換却觸籠裏底汾陽昭云也是提不起保

寧勇云誰敢動著

雪峰因與長生斫樹師云斫到心頭且住生云斫却著師云古人以心傳心汝為甚麼道斫却生擲不斧云傳師便打一拄杖

瓦棺禪師在德山為侍者因德山斫木次山將一擔水度與師師接得喫却山云會麼師云不會山又將一椀水度與師師接得又喫却山云會麼師云不會山云何不成禱取那不會底師云不會又成禱箇甚麼山云大似箇鐵櫬師住後雪峰相訪茶話次峰問當年在德山斫木因緣作麼生師云先師當時肯我峰云和尚離先師太早其時面

前有一盤水峰云將水來師度水與峰峰接得便潑却

雲門云莫厭良為賤

栴樹省禪師問僧甚麼處來云斫木來師云為復斫樹斫葉云樹葉俱斫師乃豎五指僧無語晚間侍者請益師云此是五分法身

玄沙偈禪師普請搬柴次師云汝諸人盡承吾力一僧云

既承師力何用普請師叱之云不普請爭得柴歸

雲門偃禪師問修造僧甚麼處來云山上斫木來師云還斫得合盤麼云和尚放某甲過即道師云放你過作麼生道僧便禮拜師便打乃代云某甲也恁麼又云可惜成功不毀又云斫又問僧甚麼處來云搬柴來師云維那打鼓不搬柴作麼生僧無對師代云錯領又云可惜搬柴工夫又云

和尚位處當之某甲參學又云纜旆詩功勞

雲門問僧今日搬柴那云是師云古人道不見一法是你眼睛乃於搬柴處拋下一片柴云一大藏教祇說這箇

大瀉語云一大藏教不說這箇中巖能云據此二尊宿說話是同是別山僧即不然豎起拂子云提起則知

是我聞放下則信受奉行五祖演云大小雲門皆下註脚老僧當時若具向伊道普請處不得狼籍若點檢得出免你普請

雲門問僧甚處來云搬柴來師云搬得多少轉一宿覺云

二十轉師云你為甚麼打落當門齒僧無對師便打云學語之流師自代云也知和尙佛法身心又代前語云搬柴

早是辛苦

雲門問僧搬柴來去普賢菩薩在甚麼處師自代云搬柴

早是辛苦

雲門一日上堂聚集良久驀拈拄杖云看看此鬱丹越人

見汝搬柴不易在中庭裏相撲供養你更為你念般若經云一切智智清淨無二無二分無別無斷故僧便問如何

是一切智智清淨師云西天斬頭截臂這裏自領出去福巖有三僧自南嶽來因普請搬柴三僧不肯乃有云

真空妙相無人識剛被維那取次差乍可寂寥歸石室誰能為衆去搬柴言訖三僧乃隱於巖中今福巖堂中坐位

見在

華嚴靜禪師在洞山搬柴次山把住柴問云狹路相逢時作麼生師云及及何幸山云汝記否

前往長樂住持比丘良初

助緣五百文

良光 普禮 之純

各三百文

祥真 昌玖 各二百文

梵進 元稠 各百文

中舉 中亮 見初 中誠 周濃 中貞 中雄

昌濟 本祐 得美 梵楨 道秀 中燈 梵資

昌燈 昌為 普薰 聞謹 祖識 昌雄 義鑒

集易 梵雲 各百文

